

**Protocol no. 97****Sezzüda da marcurdi, als 30 avrigl 2014****20.00h - 22.45h****Preschaints:**

Albert Mayer, Andri Poo, Men Caviezel, Dumeng Jann,  
Marianne Werro-Lehmann e Marco Fallet (protocol)

Da las trattativas no. 871 - 876 il manader tecnic, Christian  
Poo.

**Protocol**

Il protocol no. 96 da la sezzüda da marcurdi, als 23 avrigl 2014 vain approvà.

**871 021****FABRICA****Armin Rütthard;**

Il patrun da fabrica vess stuvü cumanzar darcheu als 31 marz 2014 cullas lavuors da fabrica, quai chi nu ais stat il cas. Quel ais lura gnü rendü attent sün quai ed i's ha pretais in scrit, d'accumplir seis oblig.

Uossa ais gnüda postada üna maschina sül plazzal da fabrica ed i's po prosumer chi gnüa cuntiunà cul fabricat seguond las cundiziuns dal permiss da fabrica.

**872 021****FABRICA****Crusch blaua; trapartir ün schler – nouva paraid ed üsch;**

La documainta ais avantman in möd cumplet. La cumischiun da fabrica ha trattà la dumonda suot procedura d'annunzcha. Il cussagl conced'ìl permiss cun vusch unanima.

**873 021****FABRICA****Nadia Fliri; salon da cuaffösa our d'üna part da la garascha;**

La dumonda ais statta publichada e la documainta ais avantman in möd cumplet. La fatschenda a regard plazzas da parcar ais gnüd'examinada e las pretaisas sun accumulidas. Sün proposta da la cumischiun da fabrica conced'ìl cussagl il permiss da fabrica.

**874 021****FABRICA****C. Horber; surpassamaint da fabrica; lucarna**

A chaschun d'üna controlla dal fabricat d'eiran gnüdas constatadas divergenzas dals plans accconsentits. Il cussagl decida da conceder l'udida giuridica.

**875 021 FABRICA**  
**Bodnar – Jenny; surpassamaint da fabrica;**

A chaschun d'üna controlla dal fabricat vaiva la cumischiun da fabrica constatà divergenzas dals plans acconsentits. Sün proposta da quella decid'il cussagl da conceder l'udida giuridica.

**876 021 FABRICA**  
**G. Lutz; Stron surpassamaint da fabrica;**

L'object figüra sül plan da fuormaziun sco object cotschen, dimena cun dover da gnir sustgnü resp. d'ün parair dal perit. Quel ha inoltrà sia posiziun davo avair examinà la situaziun sül lö.

La largezza da la lucarna vers vest surpassa las prescripziuns da la ledscha da fabrica per 19 cm. Il cussagl decida cun 4:1 vusch, da sustgnair la proposta da la cumischiun da fabrica, dimena da pretender cha la lucarna gnäa fabricada inavo.

**877 810.501 Servezzan forestal / SIE 2013 / 14 Sent**  
**Proget Uina / Chazzotla / surdatta da las lavuors d'impressari**

Davart da l'uffizi forestal regional da Zuoz vain suottamiss il congual da las offertas inoltradas cun racumandaziun da surdatta:

Il servezzan forestal regional racumanda da surdar l'incumbenza a la ditte economicamaing la plü favuraivla, dimena a la ditte:

***Lazzarini SA, Samedan pel predscha d'offerta da fr. 120'359.00 net.***

Il cussagl decida quella surdatta cun vusch unanima.

**878 217.503.06 Sanaziun chasa da scoula**  
**Proget 2014-2016; surdatta da las lavuors sanitarias**

La cumischiun dal proget ha examinà las offertas entradas:

Il cussagl surdà las lavuors, sün proposta da la cumischiun, a la ditte:

***Vital, sanitar-schodamaints Sarl, Sent fr. 26'000.05 net***

**879 830.318.02 Turissem / infrastruttura**  
**Proget senda culturala e d'aventüra; Puntins Ots – Uina / signalisaziun**

Dumeng Jann, chi rimplazz'in fatschenda a la cusglia dal dicasteri, M. Werro, ha fat ils sclerimaints mancants e po hoz preschantar la fatschenda a decisiun. Eir quai chi pertocca text e scrittüra ais scleri ed in uorden. La varianta resp. il concept preschantà davart da la ditte Süsskind, Cuaira fa sen e vain favorisada. Quella vain eir propuonüda davart dal TESSVM. Uschè decid'il cussagl per seguaintas surdattas da 9 tablas da signalisaziun:

Ditte Süsskind, Cuaira / concepziun	fr. 1'710.00	excl. ipv.
Luis Deco, Scuol / realisaziun	fr. 2'500.00	do.
BAW / inventarisaziun	ca. fr. 800.00	ca. fr. 5'010.00

Pro vegnan ils cuosts da la gruppa forestala, ils quals nu sun amo cuntschaints.

Il cussagl va d'accord cul manzunà survart e deliberescha la somma our dal credit da fr. 20'000.00 chi d'eira gnü concess per quel proget.

**880 800.315 Mantegnimaint tras terz**  
**Aual Bùgliöl / installaziun d'üna lingia e suogliamant da l'aual**

M. Caviezel orientescha supra la visita oculara cul rapreschantant da l'uffizi chantunal per la natüra ed ambiaint, sar Schmid. Per metter in uorden la fatschenda bsögna quai d'üna dumonda posteriura chi ha da passar la procedura dal BAB. Il cussagl va d'accord in chosa.

**881 DIVERSAS SCHEFS**

Radunanza generala bieraria Tschlin

Quella ha lö als 24 mai 2014. Il cusgliaer, M. Caviezel, rapreschaint'al cumün da Sent.

Sauaziun Sent

M. Caviezel infuormescha sur da la sezzüda chi ha gnü lö ultimamaing. Ils quints pro 2013 vegnan uossa protramiss cun üna circulara d'infuormaziun.

Prosmamaing vain, ultra da quai, salvada üna sairada d'orientaziun als sauaders.

**882 ORIENTAZIUNS**

Gurlaina SA

M. Werro ha infuormà a tuot ils collegas in scrit supr'il rapport da l'avrigl 2014. La radunanza generala ha lö als 18 gün 2014.

Grotta da cultura

M. Werro infuormescha supra la radunanza generala chi ha gnü lö als 26 avrigl 2014.

«Betreute Ferien»

M. Werro infuormescha supra la radunanza generala chi ha gnü lö als 25 avrigl 2014.

Festa Naziunala / manar l'ustaria

Davart la soc. da chatschaders Tardanna ais gnü inoltrada la dumonda per pudair darcheu manar l'ustaria. Il cussagl aderischa a la dumonda.

Contrat da fusiun dals 6 cumüns

Il capo orientescha, cha'ls 29 avrigl ha gnü lö ün act istoric i'l chastè da Tarasp. Ils 6 capos cun lur chanzlists han suottascrit il contrat da fusiun. Las medias han rapportà lasupra.

Revisiun dal quint 2014

L'actuar orientescha, cha la revisiun ha lö als 3 ed als 4 da gün 2014.

Termins

Il capo manzuna, cha'ls 25 da gün haja lö üna radunanza d'orientaziun supra la fusiun.

L'actuar:  
Marco Fallet

Il capo:  
Albert Mayer